

張文定公靡悔軒集

張文定公龐悔軒集

卷之一

記二十首

重修成都府廟學記

重修岳州府文廟記

浙江重修貢院記

居庸關察院題名記

江西布政司題名記

新修清河堤記

浙江都指揮使司題名記

豐縣重建儒學記

嘉魚縣新城記

定海縣廨重建記

重建寶雲寺記

臨淮鳳陽二縣議處夫役記

太宰許公祠堂記

明山書院記

隆恩堂記

昭恩堂記

承恩堂記

吳越堂記

承德堂記

素菴記

卷之二

記二十四首

迪儉堂記

復初齋記

尋樂齋記

存存齋記

南行記

松臯書屋記

求思堂記

約齋記

都察院右副都御史陸公神道碑銘

明故吏部文選司郎中致仕贈通議大夫詹事府詹事兼翰林院侍講學士黃公神道碑銘

明故昭勇將軍定海衛指揮使李君神道碑銘

卷之五

墓誌銘 四首

明故資政大夫刑部尚書海山王公墓誌銘

明故通議大夫都察院右副都御史致仕夏公

合葬墓誌銘

明故都察院右副都御史傅公墓誌銘

明故工部右侍郎李公墓誌銘

卷之六

墓誌銘 十三首

明嘉議大夫都察院右副都御史雙溪杭公墓誌銘

明故南京守備司禮等監太監潘公墓誌銘
封一品夫人屠昇牛氏墓誌銘

明故月江陳慶士暨配孫孺人合葬墓誌銘

明故通議大夫工部右侍郎復齋徐公墓誌銘

明故武德將軍錦衣衛正千戶蘭墩楊君墓誌

銘

明故南京守備內官監太監呂公墓誌銘

奉勅提督浙江市舶司事太監賴公墓誌銘

明故國子監祭酒進階中憲大夫蕲川陳公墓

誌銘

明故封徵仕郎揚州府通州判官暨配贈孺人

沈氏墓誌銘

明故文林郎任丘縣知縣金公暨配孺人王氏

墓誌銘

封太孺人黃母陳氏墓誌銘

靡悔

大目録

五

明故封太中大夫福建布政司左叅政叔祖葵

軒公墓誌銘

卷之七

墓誌銘

十三首

明故慎齋處士馮公暨配孺人魏氏合墓墓誌銘

明故淇川處士郭公墓誌銘

明故封中憲大夫前監察御史提督京畿學政

西巖顧公墓誌銘

明故處士東峯何翁墓誌銘

明故封太安人劉母王氏墓誌銘

明故登仕郎鴻臚寺司賓署署丞白君墓誌銘

封太安人林母朱氏墓誌銘

河南右叅政陸公墓誌銘

明故處士婁景菴孺人潘氏墓誌銘

媿母趙氏孺人墓誌銘

路處士墓誌銘

莊母潘氏墓誌銘

木菴薛公墓誌銘

卷之八

墓誌銘 十二首

贈承直郎刑部廣東司主事孫公封太安人程氏墓誌銘

明故贈承德郎刑部湖廣清吏司主事聞公封太安人何氏墓誌銘

毅菴馮公墓誌銘

明故四川按察司副使致仕張公墓誌銘

明故山東右布政使陳公墓誌銘

宗叔祖栢軒處士墓誌銘

明故廣東布政使司右叅政議進階朝議大夫

周公墓誌銘

明故嘉議大夫都察院右副都御史魏公墓誌
銘

明故貢士心齋陶君墓誌銘

明故封承德郎南京戶部主事裴公墓誌銘

明故中憲大夫南京通政使右通政南湖余公

墓誌銘

明故封兵部主事寧波府通判朱公暨配贈安
人賀氏合葬墓誌銘

卷之九

墓誌銘 十二首

明故都察院右僉都御史汪公墓誌銘

明故文林郎齊東縣知縣致仕張公暨配郭氏

孺人墓誌銘

明故上海縣學教諭贈兵部職方司主事聞公

墓誌銘

明故朝列大夫福建布政使司右叅議裘公墓

誌銘

明故贈南京兵部武庫清吏司主事張公暨配

安人顧氏墓誌銘

明故贈承德郎南京應天府通判牛溪聃君墓

誌銘

明故都指揮使華君室閼氏孺人墓誌銘

明故朴菴王翁墓誌銘

故妻孺人王氏墓誌銘

故裴氏妹墓誌銘

故處士西墅梁公墓誌銘

明故廣西布政使司右布政致仕楊公墓誌銘

梁孺人章氏墓誌銘

卷之十

墓誌銘 四首

明故封安人萬母王氏墓誌銘

旌表節婦謝大母周氏墓誌銘

明故月溪處士施翁墓誌銘

明故江西布政使司左布政曾公墓誌銘

墓碣銘

明故封太淑人陸母王氏墓誌銘

明故中憲大夫常州府知府致仕吳公墓碣銘

石槨銘

先君石槨銘

家母壽藏石槨銘

壙誌

故外王父櫟隱沈公暨外王母何氏孺人合葬

墳誌

卷之十一

墓表

八首

明故奉政大夫光祿寺少卿李君墓表

明故嘉議大夫四川等處提刑按察使司按察

使呂公墓表

明故山東都轉鹽運使司運同中憲大夫廣西

按察使司副使陳公墓表

明封河南道監察御史周公墓表

明故袁州府通判林君墓表

明封宜人曹氏墓表

明故陰陽學正衛李君宗翊墓表

明故槐村馬先生墓表

卷之十二

行狀 六首

明故朝列大夫廣東布政司右叅議進階朝議

大夫周公行狀

叔父野雲先生行狀

故叔父萍鄉縣知縣府君行狀

叔父東軒先生行狀
封太孺人陳氏行狀
故弟崇甫茂才行狀

張文定公靡悔軒集目錄終

張文定公靡悔軒集卷之一

記二十首

重修成都府廟學記

嘉靖甲申春二月邦奇領學政於蜀五越月矣知成都府王侯遵脩

廟學成以告先是監察御史常熟陳公按蜀見

廟學毀圯喟然曰茲全蜀首學也工其可緩方議葺新以憂去桂陽范公代之圖就厥緒公識度高曠而勤敏詳慎每臨事持其要不煩而集勵俗作士尤所注心數與諸生論道義剖析精微移時忘倦工旣興檄邦奇曰

惟是董役者怠若度其稽以告於是衛經歷丘重訓導
潘瑞畢謀悉力夙夜從事事繞浹旬而竣維時巡撫都
御史江陰湯公經略三川加意於人材拳拳作新而監
察御史衡陽劉公以清戎繼至公餘輒至學誨掖諄切
士皆翕然知所奮邦奇詣

廟學還視之則殿堂齋廡門垣墻祀庑閣泡溜之屬堅
完嚴飭煥然改觀矣進諸生語之曰夫諸生而知所以
學之意乎昔者禹有昌言予思日孜孜夫天運而不已
則萬物育人勞而不懈則萬民入天道體物人道法天
忘其私之謂也是故猷濟旣濬山川旣奠禹於是乎有

洪範九疇之錫以敘我彞倫而化天下其思日孜孜若有所怵迫然而不能已也明夫天之道故也今夫天下事惟士爲之必禹若心也而天地賴焉而民生庇焉而國家資焉是故遍海內設學校萃聖賢之書群士而習之試之言敷暢而明達必其能明於道不計其私禹若心者也於是乎遜而進之曰庶幾其能體天勤民乎庶幾其能輯和我國家乎而士於平居或自昧焉其熟誦而詳說也將以善其辭也曰苟足以筌蹄利達則吾事訖矣夫天之所以命乎我者聖賢之所大範而垂訓者上之所敎而取之者謂何而自待若此詩曰天維顯思

命不易哉司天下之命者其天平吾其非天而奚事書
曰是夢是訓于帝其訓明天之大訓者其禹乎吾其非
禹而誰師夫禹之道堯舜授焉孔子傳焉天下之所師
也而其產蜀也將以爲蜀士勸吾又舍禹其奚言雖然
爲禹也徙者必惟天也畏惟天也畏者必惟君也忠惟
君也忠者斯其業也太且茲學宮肇新賢風紀祇承
德意振興之心周詳而懇至諸士際斯辰也其能無加
勵乎哉維時布政林公孚可董公壽甫按察使許公廷
美副使江公汝思王公直夫僉事孟公培之偕視學曰
是足以發諸司之意矣遂記之麗牲之石

重修岳州府文廟記

按岳州府志宋治平初太守趙尚之嘗新廟學致堂胡先生爲之記

國初來屢經修葺然未聞有鼎建者岳州文廟蓋創自前朝迄今未易也廟雖恢弘軒聳而宋棟桷榱腐朽已甚不可復葺正德乙亥鄧黃侯巽以南京刑部郎中來知府事紆屈柔疆百務具張而廟獨圯毀視爲大闕未幾巡撫都御史無錫秦公適至登降旋視慨然曰是惡可緩侯乃銳意經畫撤其舊而更新之葺月竣工則廟視昔加高材良而制美簷楹門廡墀陛廡祀無不壯麗

嚴飭財出於公帑力出於空役工成而民不知焉邦奇
旣廟謁進諸生告之曰夫諸生而知崇祀先師之意乎
天地之性賦於人非學無以成而今之學者孰非吾夫
子之教也一膚一髮皆生於親一資一級皆榮於君然
或失天地之性見利而怵見欲而從其喜也以物其悲
也以身顛迷馳驚蕭然而不知止者雖生猶虛也含垢
忍耻欲雪而不可得泯泯焚焚媮以求容者雖榮猶辱
也孰爲義吾行焉孰爲利吾去焉致辨於毫釐之間而
黽勉於克復之地凡吾所求皆道濟天下之具而不以
私其身進則君安國泰慶流於民生退則淑其身人師

其德生昭義聞沒不得而磨焉君子是以貴夫學也語
曰民之於仁也甚於水火故師之重與君親並夫子萬
世之師也是故萬世祀焉諸士子稟靈秀之資服儒者
之服求先聖賢之道公卿大夫之業父母之所以望汝
者何

君上之所以待汝者何而可輕也萬一卑其志役役於
物近小是計而遠大之弗圖焉則在廟之靈顯赫如日
縱不自愛獨何面目大先聖賢之廟乎邦奇司學政於
諸生德業之脩否誠與有責焉故其言不容以不厲于
時秦公方靖郴苗偃武之餘於文教尤綦拳焉乃命予

爲文以記之而刻石大廟門以求勵多士云

浙江重修貢院記

浙江爲天下元服監察御史雲川舒君奉

命巡按茲土詢政問俗適貞百度其明年爲嘉靖癸卯
例當鄉試乃於巡歷所至禮生儒嚴課閱期得真材以
自副其以人事

君之志惟貢院規制隘陋僉謂宜從展拓蓋其地三面
阻河創建之初因以河爲界以故文塲席舍密若鱗比
膳錄對讀二所供事幾六百人而屋僅數楹與他所等
主試者列居雜處諸公會率閤然一屋無廳事以成禮

每開科輒思改作卒憚不果雲川旋視慨然以謂事有
當先費有所不當惜愛尋丈地不以爲賓興計儲財謂
何謀諸巡鹽小江陳君計畫僉同遂移檄揆覈毅然舉
行乃視河之可塞者可徙者東西開廣可數丈旣又購
民居之願售者益之遴能庀材程工鳩役前自庖舍以
至膳錄對讀二所皆增置而二所宏敞視舊不啻倍之
卽至公堂後爲公會堂扁曰協忠左爲監臨察院右徙
置彌封掌卷所以便稽防後列試官房五所左右各二
而統於中席舍之數仍舊而排比疏豁可以植防可以
靜衆可以杜患蓋犁然改觀矣費取諸羨餘工役取諸顧

募自春徂夏不五月告成而田塾市肆之間若不知有
工役之興者於是藩臬諸司方伯約菴歐陽君而下咸
以

邦家盛典而雲川極力振興謂予宜記予觀夫事之將
興也必邁其會焉吾浙人文甲天下熙洽既久日盛
以繁雲川以遠學明德來湛試事夙夜圖揆往往劬極
不少懈規模宏遠綜理徹密而藩臬諸司又克胥勵而
翊成之凡今就試之士不將有英偉卓犖之才出其間
以不應時機之會者乎予自叨鄉薦登仕籍四十有二
年迂劣未能效尺寸茲承留務之寄便道過杭目覩盛

下若府若州若縣以至末僚陪佐皆承屬於司故司之
在外最尊且重

國家興圖廣遠前代莫及京畿之外爲布政司者纔十
有三一方之錢穀征役興賓育民課官吏厚風俗一以
任之所左右布政使總統其事祿秩與尚書六曹等次
則左右叅政左右叅議分任旬宣之責績成則入爲
天朝卿若佐是故得其人則一方賴以安非其人則一
方受其毒其關係豈小也江西大藩土廣而民稠其俗
健爭而力作聰慧而勤學地之要事之劇倍徙他省藩
司之任當道恒擇賢有望者居之是故策功揚名常多

其人焉司故有題名石歲久幾徧今巡撫都御史石樓
陸公湘南胡公先爲左右轄時將復大以俟久遠書來
請予記越歲未克成廼者胡公陞撫江西復書見速予
觀是非之在人心猶白黑之在人目千載如一日也公
私義利爲間甚微而榮辱之相去甚遠可無畏乎且夫
車服飲食享諸躬者能幾而昭施於金石者無窮揆厥
已往不可以反思矣哉予旣雅知二公之才賢其所樹
大足以綏元元而奠宗社者洪都之民當自有口碑在
焉而其作人爲善之心則不可以無述也於是乎書

新脩清河堤記

清水發源弘農遶出五梁山迤邐而東其間群壑深焉
約五六百里始會于南陽故南陽諸水清爲大圯治逆
順郡民之休戚關焉

武廟時嘗修改新河作石堤期輒潰蓋地卑而土疏河
又窄隘非受迫束忿踊不可制且所謂石堤者廣纔二
丈築以浮沙旁甃之石浮淺單薄而新舊二河夾以春
撞故其爲役費財役夫各數千計而不能供春水一攻
嚙郡民涵涵數年莫知所裁嘉靖甲午屠君文卿以武
選卽中出守南陽邦人首以爲言君曰是不可緩上其
議於巡撫都御史一溪簡公而叅政陸君衡之奉

命撫民來蒞茲土簡公遂檄委焉陸君乃暨屠君率厥僚屬相度咨詢蓋新河之南有岡焉廣二十餘畝實激來流增其悍怒以爲堤患悉剷削之使水得徑趨而西且謂天下難御之物容之有地彼乃受制舊堤衝決之處南北四百丈置不復治以待暴漲則無患於是壘度新舊二河地勢之高下相去之遠近卽其衝決之處去淤積疏壅滯改舊河以入新河又導滙流併入之而武岡東數百步地勢高厚土復堅實卽而堤焉迤南而西與舊堤接然土無石障受衝則圯乃命以秫稽包土繩約之直壘于河前當水衝又復壘堤後數重而實堅土

其內糾重車數十輛運土馳水各數百週代杵築云工
始於歲丙申冬十月巳酉兩浹旬告成堤長二百五十
丈高一丈五尺廣三丈五尺堤之外又爲小堤長六十
丈廣五丈凡濬築所資僅用銀百六十兩有奇皆取諸
宿羨夫役則環宛城居民視戶高下役之共三千四百
餘戶皆欣然予來故奏功特速焉是冬多雪明年春三
月雨復兼旬山水暴漲堤故無恙小堤外忽湧沙若干
丈突然成渚邦人咸喜謂有神助君曰未也此殆十之
五耳乃復告予巡撫簡公暨巡按御史王君請增築新
堤咸報曰可三月庚申乃申飭將吏哀工給餼俾各從

事閱月畢工而高廣加倍矣蓋君爲斯民斯土計非百世無患不已也而工役之費視昔人曾不百一何其能耶君博達精勤庶公有汰嘗爲儀制值

上興脩禮樂稽較裁度多出其手而屠君又以副方恪敏佐之宜乎力不費而垂惠無窮焉且其馴治畜泄動適機宜圖揆引却綽有方略卽其一事施之天下何所不可蓋二君皆吾鄞偉士予雅辱知厚心期其大用久矣乃今所試於一方者如此喜而記之以告來世若夫承檄總理規畫府則同知孟竊通判胡師賢推官陳鳳衛則指揮王椿夏蔡李廷臣龔熙載分董章程府則經

歷王璋知事周廷臣檢校席官暨知縣周延齡典史黃麟衛則千戶楊得儒誅天佑百戶圓相管爵經歷蘇昂徐茂皆有力斯役汰得備書

浙江都指揮使司題名記

國初右武尚文士亦克宣忠力以表見於世救寧旣久文教日興而武事已不能無弛比歲

詔脩武舉如文舉之制於是奮武衛詰戎兵往往稱得人焉浙江北接畿甸西南交楚粵東通海外諸夷其地固甚重也都指揮使司統衛十六隸兵數十萬內墜京師外綏卉服其職任亦甚重也司故有題名石自

國初以來任事者之名氏既次第刻之而字若鄉貫與夫發跡所由歷任歲月則漫未有考萬君民望視篆之暇撫而慨焉乃詳考而脩識之以昭既往而俟將來復以記文尚缺馳書來請夫刻其名不沒其跡厚矣然賢否具列而美刺及焉不又有勸戒之道乎且夫富貴有盡而名無窮片石之大而桓圭衮裳失其榮則其事之所係又甚重也抑猶有未易言者荀彧之智也李光弼之勇也或以譎債或以噬臍名百世而無媿者吾得鄧禹焉弱冠而謁光武自竹帛功名之外無異願焉而東京元功卒亦歸之是故志遠則遠志近則近昔人有言

益爾寂寂鄧禹笑人萬君清敏有文蚤歲擢武舉高第
晉秩都閫焯然露名跡其不寂寂爲鄧禹笑也審矣予
既重題名之舉又嘉萬君之能遠其志也於是乎書

豐縣重建儒學記

豐舊有學在故城游藝坊嘉靖丙戌夏五月河決城壞
亦淪焉學縣令高祿携士民往遷于境內之華山巡撫
都御史樂清高公臨視嘆曰黃河入中國自虎牢以東
俱爲平壤變遷之禍郡縣無免者而豐人得此山依焉
誠福地也可遂爲縣治乃奏以請

命下計日起正而高公遷工部尚書以去事遂中寢已

而黃河南徙逋携來歸任舊懷土欲修復故城胥動以
浮言夏縣令四三忌莫敢定計嘉靖辛丑冬潛江李崇
信來令于豐知豐人之無寧宇學校之久隳廢也廼屬
其士民相土於故城三日又往從治河都御史淺齋郭
公觀河於分流之源上下五百里歸而三復告諭豐人
感悟咸以華山永無河患爲便遂定議白當道諸公寧
行而提學御史裁菴楊君按徐復允諸生之請令興建
學校季令乃延日者卜地于縣治之東六十步北負山
麓南臨水潄東連遠岫西帶長河天然圖畫也爰卽其
中營文廟左右廡各八楹前爲戟門門東西爲神庫神

厨前兩隅爲名宦鄉賢祠又前爲櫺星門廟東爲啓聖
祠祠前二十餘步爲敬一亭亭東隅爲宰牲所廟西爲
明倫堂仁義道德二齋前爲道義之門又前爲儒學門
明倫堂東爲教官宅舍三區又於城中官地及市民地
之願售者治諸生書舍若干區蓋數十年露享墊祭之
陋草榻旅食之艱至是始煥然新矣而李令揆日景山
圖慮之遠裁決之果矢籲之誠經畫之敏上下翕然譽
之以嘉靖壬寅冬十二月工起明年癸卯夏五月落成
費出於官帑之羨力借於公役之餘事集而民弗知云
經始之日山川社稷壇壝生芻一以獻廟梁始上鵲巢

於楹越月引子飛去豐人以爲佳瑞則益寧伐石龕碑
遣黃生冕曹生希建持訓導周澈所列事狀走南都謁
予文予昔提學于楚至沔陽升堂講學或揭書講論語
子適衛章畢子問之富與教孰重講者不對顧左右者
曰有能答予問者乎其間一生前跪曰教重夫子固云
自古皆有死民無信不立予喜嘉賞久之因思唐虞之
時稷降播種契敷五教而其後皆有天下延祚其遠然
商歷雖止六百而賢聖之君六七作視周固爲過之周
衰而孔子以商湯裔孫爲萬世帝王師天之報稷契之
功者契爲尤盛則教爲尤重可徵也然則天下事孰大

於教司若受教者尚亦深思而永勵焉哉矧茲豐邑多故學宮肇新答嶽河之靈副良有司之望亦在諸生自新厥德而已李令楚產予門下士知之既三十年而能振興治教若此雖予未及之豐如聞絃誦聲也筦爾而爲之記

嘉魚縣新城記

嘉魚在省城南二百里實維襟喉之地舊以山水參伍不大城郭民皆因山阻水而居取便耕漁有警則乘便趨避習以爲常民風旣朴直

國家隆平廩園畜牧率置諸戶外自成化初江北比多

水旱流民就食其境始聚而爲盜然乘昏夜掠商舶率
於江湖無人之所未敢公然入縣治也邇歲征役繁興
遠近適移馴致劇賊誘脅窮民入縣治殺民兵劫庫獄
燒廬舍出沒險阻日滋蔓不可制正德甲戌秋宣城陸
槐來知縣事患之謂非築城不可遂以龍見興功縣小
而民貧財力無所資日夕敝心力綜理矻矻久未克就
巡撫右副都御史鳳山秦公適臨茲土躬爲陟降以南
堤逼隘非規制命展而環焉遂命按察僉事慈溪顧君
督旁邑發儲待協濟工力工乃具舉丙子五月江水大
漲襄其南堤五越月水涸乃伐石甃址并二管門洩水

運土併力修築維時秦公念劇賊猖獗將除之或曰不如姑已舉而弗能制患滋甚公曰已之患獨不滋甚邪遂廉其踪跡設法捕斬之積數十年之寇一旦就戮餘黨狼狽解散上下遠近罔不胥慶而城亦適成城環二百雉厚六尺高倍之爲門四曰東望曰南薰曰西成曰北鑰樓櫓之屬罔不備飭用工越十甲子皆倩諸他邑迄事竣民無告勞者予觀嘉魚士民習俗淳厚蔚然有古之風焉廼者賊殲而城成去其毒而固其衛以奠宣湖藩之襟喉豈獨其邑之幸哉方賊勢日熾民無保障恣其所如莫敢誰何致今日之按堵者其誰之力也繼

或吏於茲土其亦有思乎夫千雉百雉孰非爲民民城之本也民殘而城固未之有也凡吏茲土尚圖固斯城乎

定海縣廨重建記

定海縣在東大洋之上其外三韓日本諸夷每入貢則艤舶於是實維全浙咽喉沿邊要害地也廨宇規制故隘陋工材弗良又其地境入大海颶風疾雨震蕩衝擊日就毀損縣令視事遇雨則張蓋而居然憚於興革率惟傳舍視之正德庚辰春閩鄭侯餘慶來蒞茲邑有意興建而歲比大侵民物凋耗嘆曰時詘舉羸吾其忍乎

乃勤撫字節財用越三年政通人和年穀旣登方議鳩
工適癸未秋海風大作堂室傾圯十不一存侯曰是不
可以復緩乃謀諸縣丞文林主簿馮大本典史趙大和
括公帑若干繕請於上司庀材募匠撤其舊而新之爲
蒞事之堂三楹左右翼以儀仗廣儲二庫前爲抱廳後
爲退思堂堂之左幕廳右架閣庫楹各如蒞事之堂之
數東西兩廊爲楹凡二十二前爲儀門又前爲大門門
之外建大坊曰臯成列以旌善申明二亭其東南爲預
備倉五楹西南獄囚檻加一焉縣治之北舊有火攻庫
五楹以貯戎器毀廢旣久今仍其舊址復大之凡規制

侈於其舊而堅完儼飭足利久遠然財無苟費民不偏
役經始於嘉靖乙酉正月十越月而工竣教諭方君希
哲以吏民之意咸欲有紀乃述其事介儒士何君槐來
求文予觀民情固難與慮始而近世文法繁峻上之御
下如束濕然少有營樹猜怨交集夫任其劇勘無功而
或以照憲雖有能者必斂手避矣事就敝而人日媮亦
勢使之然也而鄭侯乃能乘時大事不以利害爲前却
而上下亦交信之以爲才且賢也斯不足爲當官者法
耶他如葺廟學增置祭器剏表功廟脩水利築閘及諸
公署城櫓之屬皆切於政體可書也因併書之以示來

者

重建寶雲寺記

寶雲講寺舊在縣治西南行春坊與儒學爲隣歲久佛殿僅存而旁廬悉圯成化間住持璋師始爲山門方丈齋居凡若干楹弘治庚申提學憲臣以學舍迫隘命徙寺而展之竹湖坊舊有戒香尼寺毀廢旣久璋師乃即其遺址改建焉殿宇佛像規制率倣于舊而革橈以壯易齣以飭繪黝以章薜暴不登屋髻壘不入庭蓋煥然改觀矣前爲山門三間棟爲堂前後各五間爲樓左右三間齋宮宿廬庖湑之房布列兩序凡田之犖置者贖

而還者積十餘頃蓋其性勤儉而精核以漸拓衣服之
資而給上徵之賦不使有所累其心而侵損于物其徒
三十有奇約以禮法莊敬肅穆焚脩弗懈有子院二在
東鄉者曰天王在西曰看經寶雲之有寺在宋開寶改
元僧義通者來自三韓以其說懷振中土乃始大傳教
院太平興國間賜額寶雲復燬于建炎兵燹至元間僧
子文始克復之厥後若名善若寶璣不過增設門廡尋
亦頽落而肇遷鼎建弘於先而將來於後者則璋師之
功爲尤大然不過役其精力以廣其業其於居室服食
器用又儉而有法不以夸侈眩惑人爲心食力之外屹然

無所求於世使凡出家者每若是焉則焉有耗蠹生民之患而吾儒亦奚以憾佛爲哉璋師別號覺菴今年七十五屬其徒福忠者住持而師猶摠其事尊賢禮士鄉大夫多與之遊予每入郡城主於其寺知其事爲詳記之石庶其徒知所視云

臨淮鳳陽二縣議處夫後記

今天子軫念元元令天下撫按官徧諮有司凡政務細大於民便不便具列以聞於是鳳陽守曹侯仲禮言於巡撫都御史梅谷劉公巡按御史慈溪徐君曰鳳陽所屬州縣十有八惟臨淮鳳陽二縣附郭衝要土瘠民貧

最爲下邑成化以來馬政變更差役繁重民漸逃亡邇
歲淮水屢溢饑疫頻仍道殣相望而科差如故民實不
堪先是同知鄭公奇議欲派別州縣出夫協濟不爲無
見但恐此病未革而彼弊先滋莫若裁損有餘以補不
足則事不擾而民有濟如本府濠梁驛始爲水馬二驛
後革水驛歸併馬驛原設站船十有二艘以其半協濟
北河之役則猶餘六艘水夫之數什之儼估銀兩之數
又什之量存其六之一以應水行使客則所餘者爲鑑
尚二十有五又邇運所在郡城者紅船水夫百有五十
入防夫十有三今所用者惟候迎上官六艘焉艘用夫

十有二合之止七十有二壽州通運所水夫百防夫五人多役少與在郡城者不殊今於郡城革四之一於壽州革五之一合濠梁之餘夫凡百有十六餽估什之則爲鎰五十有八歲徵解府掌以廉能之吏使之顧夫接通量其多寡撙節愛用則五十八鎰者自足支歲役之費不必借助旁縣而兩縣冬月扛夫暨里甲月夫可悉蠲之以蘇民困撫按咸以爲便具疏以

聞

天子曰可悉如議行之惟昔趙普自謂以半部論語佐太平而實不外乎節用愛人之一言聖人一言後人因

之率以致尊主庇民之績焉爲治者亦奚事夫紛更爲也曹侯以進士簡入翰林歷官內臺文章義槩裕於人久矣今觀其用心民事如此而處置之宜酌量之密足以稱

聖天子圖治邇民之志他日進爲卿輔舉中州而達之天下彼趙普者固瞠乎其後矣知臨淮縣謝廷舉予提學湖南時門下士也謂侯之政宜刻石以示久遠使來請予文云

太宰許公祠堂記

古者天子至于官師皆有廟以祀其先受命之祖百世

不遷則自大夫以上祠堂猶廟也後世官不世授報本聚族因人情而爲之謂之祠堂制雖不同而宗系之別昭穆之序猶夫古也靈寶許氏系出周文叔歷代至楚許伯爲楚人隋唐而後代有顯者元兵馬都元帥威因西征悅靈寶之風土而家焉靈寶之有許氏自元帥始族姓相沿祖元帥可也此其別祠太宰公者元帥沒而許氏中微歷七世入我

朝英宗時而公以進士崛起累官至太子少保吏部尚書贈太子太保功業名行萃焉爲當代宗則公之子孫別祠以祀公將以爲百世不遷之祖亦可也夫子姓之

於祖先生育之恩宜莫與爲並矣而古者大廟必祖功而宗德蓋有功者智開物先翊協天休以光大其門閥有德者續緒培基深導而厚積用委慶于後之人後之人報本之典雖欲勿加隆焉不可得已公體貌魁碩天性孝友爲御史所至勵風裁辯譴紆屈罔所顧忌副外臺距請託理冤獄人稱神明三總內憲悉心邊務誅父叛之魁活脇從之衆疆圉賴以無事幾二十年而其秉正嫉邪不少媿媿屢見謫黜而恬無愠色已而起爲司馬爲冢宰雖其時奸倖作威事多掣肘而所以籌武略崇忠賢者必以其道取忤任怨至於落職以去危且不

測而會莫之悔也豈不軒宏卓犖大丈夫哉許出周裔
奕世不磨而公於其間所以扶樹而恢拓之者又如此
宜其享完名於一代而垂慶澤於無窮功德之隆天下
猶追思之而况其家乎公子七人曰誥累官南京戶部
尚書曰讚累官吏部尚書文淵閣大學士日記曰詩邑
庠生日詞知府曰誌曰論領鄉薦諸孫若干人曰儒亦
領鄉薦器藝聲業並起而交映所謂積厚流光不亦有
驗於斯邪公祖諱實父諱聚安定教諭俱以公貴贈通
議大夫戶部左侍郎祖妣焦氏妣何氏配張氏繼室高
氏俱贈淑人祠堂經始於公卒之六年爲正德丙子成

於嘉靖之癸未明年五月尚寶君率其弟若子姪奉公
及張高二叔入神主入祠歲時薦祭如家禮堂爲間三
左右室各稱之門爲間一左右各二弗備其制師公之
儉云

明山書院記

出州城之北見空中蒼翠若屏幃橫亘數十里曰明山
其下沅水循西麓繞州治而東曲折紆徐與明山相掩
映故又曰秀水山之前諸山之脉潛秀水而度以輳于
山之下直其下者獅子山其尾去州城可三里上有明
山祠古也循山而南可二百餘步稍隆而上者爲山之

首有亭焉馬生元吉者大也始生讀書祠中旣乃築書
舍于祠之右越三年爲歲甲戌乃構亭焉而名曰太極
象物也亭之左右兩山夾峙當其前則所謂諸山度秀
水而來者突伏起匿縱橫遠近變態不可勝窮所謂面
儀生生化而爲四千九十六者登斯亭也可以坐而悟
焉甲戌之冬吾鄴汪公汝成適以僉憲攝兵事於沅遊
山而樂之進諸生論道其中因欲創爲書院未果也將
代去因留誄焉若有不能舍去者而諸生亦依依然冀
其復來明年冬公果復來未幾岷山周先生克之以侍
御謫官沅之竹寨驛公聞其來也喜形於色謂知州田

惟上曰山之蓄秀其久矣而未有發焉茲豈其會也與
遂即馬生舊舍增置三之二具書幣逆充之主教事政
暇輒就而講議使諸生左右大以聽書舍前有溪懸山
而下以入于秀水梁而屋之名曰詠歸舍後復構茅亭
金華周侍御實夫名曰夢覺侍御公將巡貴州道于沅
感夢而遊與亭之成也會故因名焉汪公曰知詠歸之
趣者可以言覺矣秀水之上有洲焉其位南也命曰南
離夢而覺者背幽而嚮明然後可以登明山矣旣踰月
復營文廟于太極亭之北以祀孔子配以顏曾思孟及
宋周程朱子爲之祭田以圖永乂爲講堂三楹旁列四

齋齋之外爲書舍八間其事率總于田侯始自季春工
三月而竣其費無損於公私董其後者沅州衛千戶劉
漢州之義民黃滄旣成汪公以書屬記予嘗觀之兩儀
旣闢而太極之流行也日新而無窮載道之文始於六
畫而大脩于周程朱子之書亦莫非是道之生生而不
已也由博文之學將邇流而求源舍周程朱子之書焉
適哉而今之爲異論者直欲糟粕六經屏程朱諸子之
說置而不用猶欲其通而窒之竅也且芻蕘之言孺子
之歌聖人之智且猶不遺而况智非聖人顧欲棄先聖
賢之言而不用其自棄于盲聾必矣予與汪公少相友

恒不滿俗習相勗以道于今垂二十年今茲視學于湖
湘亦惟習俗之蹇陋是懼求士於尺寸之外絕于荆鄣
數大郡間得三數人何其難也去年秋將赴辰沅會汪
公觀所謂明山書院者以與諸生相周旋乃以兵事弗
果來今乃僅獲一至而公已爲之倡道其間使人翕然
而嚮風焉何其幸也且充之與予同舉進士實予所雅
敬乃適集於茲守之賢又得如田侯者信乎山川蓄秀
之久有待而發而茲固其會也已夫大書院得山明水
秀之地則人皆以爲快士之困俗習徂異說何啻桎梏
陷罪然而彼方貿貿焉莫之自覺也舍而趨於道其爲

樂豈止登明山臨秀水而已邪聞茲風者其可以幡然
而作矣

隆恩堂記

天子隆中興之治明闡禮樂幽探鬼神其義精而與其
事備而飭二十餘年神人嬉愉海宇輝煥文治之隆古
未有也贊襄惕厲自二三大臣外鮮克當 意維時表
郡勉菴先生嚴公以保傅領大宗伯實寅實清實勤實
勵燕對而

天顏悅拜疏而

綸音俞自是

寵眷日加

宣召無時而顧復不替錫賚蕃庶而咨諭頻復出入動息一與輔臣俱焉

恩遇之隆古未有也公于時悉出

賜金購地于郡城之西治所謂袁山精舍者凡費一毫以上皆

上賜也乃作廳事正寢之中曰隆恩堂而屬予記予自束髮從公後今且老矣辱知愛最深謹推公志以記諸堂壁曰夫秩加乎群僚之上而光緇乎獎接之勤麟王華於躬膳珍羅於堂金綺鏗具溢於筭侈然自怙而以

耀於鄉邦斯非公名堂之意也公曰吾以志吾感耳夫
恩愈隆則感愈深感愈深則勉益力

上嘗諭公曰卿其勉盡忠誠公退而名其居曰思勉復
自號曰勉菴志諸菴曰一息尚存此志靡懈詩曰民之
靡盬誰夙知而莫成公不自盈若此何期而弗至何爲
而弗成自今觀之登對窮日夜撰述案山丘端輯羣旃
之末而謀猷輒陳操觚

黼袞之前而詞章大就擬議之精詳緣飾之繁縟神疲
不得捐其慮力竭不敢弛其勤可謂勞矣五禮九儀畢
脩而臣民之志定蒼璧黃琮具舉而天地之化合靡物

不軌靡神不秩謹夫戒則請停工役敦化理則議擇人
才陳邊釁急當務也疏民艱厚邦本也入而啓沃焉而
爲上爲德出而敷錫焉而爲下爲民密勿之議雖未悉
得而聞而經綸之述則固燦然而具可謂有功矣公曰
吾庶幾盡吾常耳

特恩異數曾足爲報乎夫勞而不伐有功而不德服
膺

聖訓而不少懈則心無不盡誠無不格一德之休可以
上契是故有隆德焉稱亮悉其道變調致其方積之博
厚發之高明無前之績可以代終是故有隆功焉疑者

感而信嫉者愧而服四海內外不聞其鄉邦之言銘彝
鼎書旂常光垂于無窮是故有隆名焉夫如是則以為
隆恩報也其庶乎其庶乎斯固公名堂之意也

昭恩堂記

國家條胡元之陋丕釐上帝之耿命脩復綱常于蕩廢
之餘而於內外劉柔之義尤致嚴慎關雎之化自畿甸
達于海徼若吾鄞韓孺人堅貞苦節又其卓卓然者孺
人歸陳數年而失其所天服勤茹辛事舅姑以孝撫幼
孫以慈迄今三十餘年孤培卒夫而冰蘖之聲烈烈在
鄉閭有司以聞

詔旌表如制通牒月十有七日旌其門曰貞節而鄉戚父老遂因以昭恩名其堂且爲之請記於予予昔在史局與脩

孝宗敬皇帝實錄凡天下以節孝被旌皆得紀姓名行蹟如大封拜之例仰見

祖宗褒崇德義不遺躋微旌之用里之下而書之天府之上以風天下而厲後世奚啻曰不侮曰無告而止哉陳奉川舊族宋初學正府君肇家鄞城

國初有仕爲督府經歷九江郡佐者徙居城西之蕲里其後恩平縣幕良金公生子四人 淳淳曰淳即孺

人夫也早世餘皆克相勵翼邁新堂構以恢其家曰淳
寧為櫛櫛史遇例冠帶書曰歛時五福用敷錫厥庶民
惟特厥庶民于汝極錫汝保極又曰旌別淑慝表厥宅
里樹之風聲陳氏以清素敦朴世受

國恩孺人所居最難而受錫最顯則其上下內外莫非
錫

上保極之民豈惟鄉閭善事而風化之盛於是乎昭焉
是固不可以無書也而孺人從予曰坤者爲子妹壻予
知陳氏事爲詳故於鄉戚之情不容以辭而并敘厥世
以爲樹風聲之一助云

承恩堂記

昔者箕子告武王曰凡厥有猷有爲有守汝則念之念之云者不忘其善將錫之福也天何嘗不賦德於人而或忘好德之心亦何嘗不錫福於人而或歟受福之壘是故好德之與諸福並列爲五而實爲召福之門焉天道恒不爽也君人者不忘人善而錫之福以應諸天是故君之恩卽死之恩不可以幸而得也倪吾四明舊宗其以行業沐寵榮者代有其人郴州君始以才諳從事於公以廩祿獲上歷官數年聲稱籍甚超擢郴州貳守遂膺

封典以責其前人非所謂有猷有爲有守而承錫於土
者耶廼者堂構肇新親父蔡君惟寧輩相與舉酒落成
因名其堂曰承恩而請予爲記夫福固有幸獲而君子
者貴得其恒以爲幸不可以數遭而得其恒者則日見
其休裕故居第以傳子孫矢人之同情而興替盛衰久
近無常焉豈非得其恒與不得其恒之致歟郴州君克
自萍礪永厥令聞今所承於吾

君者固天道之所予也其猷其爲其守旣已疏於當道
書於考功

聖天子固念之不忘而斯人之陰被澤者且相感頌以

平格于天則超遷遠樹固分內事所以光啓後先將益昌弗替無疑也姑記其堂以俟

吳越堂記

所貴乎故家舊族者非他謂夫詩書禮樂相沿日久其子孫涵習深而聲氣別視彼一旦暴起強飾勉爲而未之相安者終有間焉耳然家法美矣爲子孫者惛淫而不知守締造之難理傳之意茫昧而莫之思則吾見其頽敝之不暇雖復居承闕宮譚宗伯禽亦奚足云夫習習能思思翼能遠于幽斯館于岐脊宇友覆誅歌於洛下旣食之餘者亦欲後人長思而永述之也沈族自宋

萬石府君高宗初由姑蘇遷錢塘已而遷四明至理宗時分徙定海奉化而萬廿五府君實徙鄞城南之櫟社構屋數十楹以其左右爲奉祀讀書之所而偏其中曰吳越堂示不忘始也蓋自是以詩書禮樂相沿而不墜三百餘年吾母舅左菴先生達俗嗜古通三禮精六書嚴譖諛之法每懼墜厥先人之遺思振奮焉而轉益困瘁老且弗嗣左右顧眄鮮復當其意者則爲之磊砢弗能平堂故有記歲久亡之嘗請補於舅氏古田學諭友竹何先生先生旣諾矣弗就以卒越茲五十年而心不能忘謂邦奇歷官惟文詞之司風教之職固惟宅相所

鍾辱以見委又數年于茲而亦未克就也戊子之冬來
視予金陵之官舍復申前命蓋拳拳之心欲使創業垂
統者之志昭于久遠庶或有感而興焉者在越之興衰
求光乎勾吳之令緒先生之心其可以少慰也夫故爲
之記

承德堂記

唐君東之暨厥弟治營第於鄞城章耆巷舊居之東正
德庚辰秋七月堂構旣新親友具集歌斯于而樂成焉
東之言曰吾唐之先出自唐叔虞周武王夢天謂已余
命汝生子命之虞而畀之唐後果封唐九世孫而沃桓

叔好德而得民實以蕃晉晉文公之入國也賞先德次
行次功次力焉國人大悅而文公霸及厲悼失德六卿
張而晉衰天於下民監其德之失得而禍福予奪之自
古迄今未見其有爽者易曰積善之家必有余慶詩曰
德厚者流光又曰倡蹶而治先人遺烈故先世之德後
人賴之然或恃其積累莫克承式肆爲淫褻而曰有命
在天則昔人謂之圖帝之命矣可不畏乎今天下道術
不明以巧進爲雄以奸利爲傑以侈肆夸誕爲高浮俗
靡靡日趨以下而莫覺其非顧崇宮雕牆往往不再傳
而易姓否則剝爲頽垣廢爲榛莽蓋外物之不足恃如

此又可不畏乎且孰爲之前而弗傳也孰爲之後而弗彰也前人之德百世承之百世之利也吾其非是之務而奚爲我先世朝奉公仕爲明州錄事參軍因家于茲吾父本菴公以厚德推重于鄉陞舊居實購斯趾將營建焉而未就以卒今吾兄弟旣完是室用嗣先志顧惟永集休嘉傳盛美而光無窮未或在此余敢弗慎以圖之且先公之策我以賢聖也而游之邑庠其意豈止肯是堂構而已固將以六籍所載蘊爲德行施之文章措之事業以亢吾宗而裕後之人此非先公之志歟請以承德名堂以自勗焉何如諸親友皆曰善陳君朝儀者

其內與東之兄弟也以東之言告予請爲之記予既聞東之有學行造就未可量曰叔虞始封箕子曰其後必大既分其苗裔散在列國迄茲二千年猶不乏人觀東之言其將復興姑記以俟之

素菴記

予昔讀中庸深有味於子思素位而行之語蓋天下之至貴富者莫如道而道固不可離也道充而身安無往而不自得焉則所謂富貴不離其身而又奚願爲若吾浙素菴王翁其亦有得於是乎翁質任無僞自少無厚產間雖頗事經營不戚戚不汲汲疏食水飲晏如也平

生室廬蓋三徙焉或郊或瓦僅取容膝晚得水北故址
以居引泉灌畦栽竹樹桑容容于于於其間身不涉榮
辱口不道得失耳不聞黜陟心不關利害客至罄其瓶
罍不足則假諸其隣盡懽乃罷與隣翁爲社飲飲輒醉
醉則咲歌相忘不知人已異體古今之異代也衣不御
華彩一襦一履數年如新人有急濟之傾其資不靳敬
老慈幼禮賢好士尤篤於訓子聞有善卽遣師焉旣而
陽明先生講學會稽命子洪聚糗以從凡子男五大各
有分藝而洪績學礪行游于縉紳間翁常曰吾無求求
淑吾心焉爾矣吾身之窮其壽天子孫之賢不肖命也

吾焉所容心哉取中庸素位之旨號曰素菴廼者洪來
游京師予兒子實稟學焉今年十月七日翁七旬初度
洪先期告歸敘述平生以素菴之義請予記之歸將獻
諸左右爲承懽侑予聞之戚莫深於多欲患莫大於不
知足素位而行素富貴而忘富貴也素貧賤而忘貧賤
也外者忘則內者裕方且懷至美而游乎至樂孰弊弊
焉與俗競驚忤然疲而不知歸乎翁之富貴蓋有所自
得者無待乎人也昔人有言富貴於人者其壽或有妨
富貴於我者其壽不可量素翁聽斯言也其欣然擇觥
矣翁璜名汝器之海鹽人